

Federalni rudarsko, termo i elektro-energetski inspektorat
Broj: 01-04-13-05323/2024-16-2
Datum, 27.09.2024. godine

• **PARLAMENT FEDERACIJE BIH
ZASTUPNIČKI DOM**

- Gosp. Dragan Mioković, predsjedavajući
- Gosp. Slaven Raguž, zastupnik

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 04-10-2024

Org. jed.	Broj	Priloga	Vrijednost
05/1	- 02 -	503	1/24

Predmet: Odgovor na inicijativu koju je uputio zastupnik gosp. Slaven Raguž

Poštovani,

U vezi zastupničke inicijative koju je gosp. Slaven Raguž dana 12.9.2024.godine podnio predsjedavajućem Zastupničkog doma Federacije BiH gosp. Draganu Mioković, a koji je dana 13.09.2024.godine pod brojem:05/01-02-503/24 dana 16.09.2024.godine dostavio na nadležno postupanje Federalnoj upravi za inspekcijske poslove, i ista glasi „Zadužuje se Federalni rudarsko, termo i elektro-energetski inspektorat, Federalni vodni inspektorat i Federalni urbanističko-ekološki inspektorat da provede HITAN inspekcijski nadzor nad teškim građevinskim radovima unutar i oko korita rijeke Vrbas u naselju Humac, općina Gornji Vakuf/Uskoplje te o istome dostavi izvješće u Parlamentu Federacije u roku od mjesec dana od dana upućivanja ove inicijative“ , dajemo Vam sljedeći,

Odgovor:

Uvaženi zastupniče,

1. Federalna uprava za inspekcijske poslove putem Inspektorata je poduzela sljedeće:
 - 1.1. Federalni vodni inspektorat
 - 1.1.1. Federalni vodni inspektorat je u skladu sa zastupničkom inicijativom, postupio i izvršio neposredan uvid na licu mjesta dana 19.9.2024.godine od strane Federalnog vodnog inspektora i tom prilikom konstatovao sljedeće:
 - Da se izvode radovi vađenja materijala izvode iz korita rijeke Vrbas na području Općine Gornji Vakuf-Uskoplje, na lokalitetu Humac, uzvodno od mosta prema naseljenom mjestu Dražev Dolac,

- Da radove izvodi firma LUDIYA d.o.o. Sarajevo,
- Subjekt nadzora LUDIYA d.o.o. Sarajevo dao na uvid Rješenje o prethodnoj vodnoj saglasnosti izdato podnosiocu zahtjeva, Agenciji, podnesen putem „Sektora za realizaciju investicionih projekata“ u svrhu provođenja daljih aktivnosti na dodjeli prava na vađenje materijala iz korita rijeke Vrbas i izradi Elaborata za vađenje materijala iz korita rijeke Vrbas, na lokalitetu „naselje Humac, uzvodno od mosta izgrađenog na rijeci Vrbas prema naselju Dražev Dolac“ označeno kao LOKALITET 1, koji obuhvata dio zemljišne čestice označene kao k.č. br.990, K.O. Tihomilje, na prostoru općine Gornji Vakuf-Uskoplje. (U Tački 2 Rješenja o prethodnoj vodnoj saglasnosti, stoji da prethodna vodna saglasnost prestaje da važi ukoliko u roku od tri godine, od dana izdavanja ovog Rješenja, ne bude podnesen zahtjev za izdavanje vodne saglasnosti od strane pravnog lica kome bude dodijeljeno pravo na vađenje materijala),
- Da firma LUDIYA d.o.o. Sarajevo posjeduje Ugovor o vađenju materijala iz vodotoka rijeke Vrbas na lokalitetu naselje Humac, uzvodno od mosta izgrađenog na rijeci Vrbas prema naselju Dražev Dolac, općina Gornji Vakuf-Uskoplje-LOT 1 zaključen sa Agencijom za vodno područje rijeke Save Sarajevo pod brojem: 30-43-17/24 od 6.6.2024. godine
- Predmet Ugovora Član 1. Izvođač se obavezuje da će se izvršiti vađenje materijala iz vodotoka rijeke Vrbas na lokalitetu naselje Humac, uzvodno od mosta izgrađenog na rijeci Vrbas prema naselju Dražev Dolac, općina Gornji Vakuf/Uskoplje, sve prema ponudi za LOT 1 broj: 005/2024 zaprimljenoj pod brojem: 30-43-10/24 dana 27.5.2024. godine, koja je sastavni dio ovog ugovora.
- Materijal u smislu ovog Ugovora podrazumjeva šljunak, pijesak i drugi nanos iz formiranih sprudišta na obalama i u koritu vodotoka koji je potrebno izvaditi u cilju obezbjeđenja proticajnog profila, sprečavanja neželjenog meandriranja rijeke Vrbas sa erozionim procesima na obalama i preduzimanje preventivnih mjera zaštite od poplava.
- Članom 2. Ugovora, Obaveze izvođača radova prije početka vađenja materijala, prije početka vađenja materijala, izvođač je dužan između ostalog pribaviti vodnu saglasnost za vađenje materijala iz vodotoka koji je predmet ovog Ugovora. Procjenjena količina materijala je 300m³.
- Članom 5. Ugovora, Nakon izvršenja obaveza iz člana 2. ovog Ugovora, nadzorni organ će Izvođača uvesti u radove vađenja materijala iz člana 1. ovog Ugovora na licu mjesta u skladu sa odredbama Uredbe o uređenju gradilišta, obaveznoj dokumentaciji na gradilištu i učesnicima u građenju ("Sl.novine FBiH", broj: 48/09).
- Članom 9. Ugovora propisano je da je rok za izvršenje obaveza iz člana 2. ovog Ugovora za izvođača je 60 dana od dana zaključenja ovog Ugovora. Rok za završetak vađenja materijala iz vodotoka koji je predmet ovog ugovora je 31.12.2024. godine.
- Subjekt nadzora na LOKALITETU 1. vrši vađenje materijala iz vodotoka bez pribavljenog rješenja o vodnoj saglasnosti sa nepoznatom mašinom koja liči na separaciju.
- Na licu mjesta utvrđeno da je rijeka skoro u potpunosti pregrađena riječnim materijalom, samo jedan mali dio ostavljen za slobodan protok.
- Subjekt nadzora dao na uvid dokaz da je podnio zahtjev za izdavanje rješenja o vodnoj saglasnosti za lokalitet 1 dana 06.08.2024. godine. Prema izjavi direktora subjekta nadzora, predali smo svu traženu dokumentaciju i očekujemo da se uskoro izda Rješenje o vodnoj saglasnosti. Zbog bolesti uposlenika Agencije za vodno područje rijeke Save, proces izdavanja vodne saglasnosti se odužio.

1.1.2. Federalni vodni inspektor je u skladu utvrđenim činjenicama poduzeo sljedeće i to:

- Dana 20.9.2024.godine Federalni vodni inspektor je u skladu sa odredbama Zakona o vodama u FBiH („Sl.novine FBiH“, broj: 70/06), izdao subjektu nadzora Ludiya d.o.o. Sarajevo i odgovornom licu u pravnom licu Rješenje kojim se zabranjuje Vađenje materijala iz korita rijeke Vrbas, na lokalitetu „naselje Humac, uzvodno od mosta izgrađenog na rijeci Vrbas prema naselju Dražev Dolac“ označeno kao LOKALITET 1, koji obuhvata dio zemljišne čestice označene kao k.č. br.990, K.O. Tihomilje, na prostoru općine Gornji Vakuf-Uskoplje sve do pribavljanja Rješenja o vodnoj saglasnosti .
- Dana 20.9.2024.godine, Federalni vodni inspektor je zbog kršenja odredbi Zakona o vodama u FBiH („Sl.novine FBiH“, broj: 70/06), izdao dva prekršajna naloga u skladu sa odredbama zakona o prekršajima FBiH (Sl.novine Federacije BiH, br.63/14) i to pravnom licu Ludiya d.o.o. Sarajevo je izdat prekršajni nalog u iznosu od 5.000,00 KM i odgovornom licu u pravnom licu u iznosu od 500,00 KM.

1.2. Federalni rudarsko, termo i elektro-energetski inspektorat

1.2.1. Federalni rudarsko, termo i elektro-energetski inspektorat je u skladu sa zastupničkom inicijativom, postupio i izvršio neposredan uvid na licu mjesta dana 20.9.2024.godine od strane Federalnog geološkog inspektora i tom prilikom konstatovao sljedeće:

- Subjekt nadzora egzistira kao LUDIYA d.o.o. Sarajevo koje je registrovano kod nadležnog općinskog suda u Sarajevu(zadnje Rješenje o izmjenama podataka u sudskom registru od 25.01.2024. godine.
- Federalno ministarstvo energije, rudarstva i industrije FBiH subjektu nadzora izdalo Rješenje Up/I broj:06-14-2-142/24 od 26.08.2024. godine kojim se odobrava privrednom društvu „Ludiya“ d.o.o. Sarajevo, izvođenje detaljnih geoloških istraživanja niskomanganskih željeznih ruda na lokalitetu „Radovan planina“, općina Gornji Vakuf-Uskoplje. Istražni prostor na kojim će se vršiti projektovana detaljna geološka istraživanja niskomanganskih željeznih ruda obuhvata površinu od cca 24,30ha.
- Na terenu na udaljenosti cca 50m uzvodno od mosta na rijeci Vrbas koji vodi od magistralnog puta M16.2 prema Rudniku uglja “Gračanica“ d.o.o. Gornji Vakuf-Uskoplje zatečeno 5 radnika koji rade na pripremi željeznog plovila za rad, a koji bi služio za vađenje materijala iz riječnog korita (mulja, pijeska, šljunka..), kao i parkiran bager gusjeničar marke JCB. Na obali rjeke odložen dio željezne konstrukcije, kao i dio repromaterijala. U trenutku obilaska lokacije nije bilo radova na vađenju materijala iz rijeke, niti je vršeno geološko istraživanje niti je zatečena oprema za geološko istraživanje,
- Direktor firme izjavljuje da „Ludiya“ d.o.o. Sarajevo (konstatovano u zapisniku) kao firma koja je dobila odobrenje za istraživanje niskomanganskih željeznih ruda na „Radovan planina“, a u vidu dobre saradnje sa lokalnom zajednicom žele da pomognu pri uređenju korita, izradi puteva kao i uposlenja lokalnog stanovništva, te da se na ovom mjestu u tom kontekstu radi isključivo o vađenju materijala iz rječnog korita za što imaju potpisan Ugovor sa Agencijom za vodno područje rijeke Save
- Inspektoru na uvid dat „Ugovor o vađenju materijala iz vodotoka rijeke Vrbas na lokalitetu naselje Humac, uzvodno od mosta izgrađenog na rijeci Vrbas prema naselju Dražev Dolac, općina Gornji Vakuf/Uskoplje-LOT 1“, broj: 30-43-17/24 sklopljen 06.06.2024.godine između Agencije za vodno područje rijeke Save i Izvođača LUDIYA d.o.o. Sarajevo. Prilog ovog ugovora je Rješenje o prethodnoj vodnoj saglasnosti broj: UP-1/21-1-40-095-6/24 od 11.04.2024.godine,

- Subjekt nadzora „Ludiya“ d.o.o. Sarajevo dao na uvid da je od Sportskog ribolovnog društva „Vrbas“ kao jedinog udruženja ribara na teritoriji općine Gornji Vakuf-Uskoplje dana 23.07.2024.godine pribavio „Suglasnost na realizaciji ugovora o čišćenju korita rijeke Vrbas od Humca do Gornjeg Vakufa-Uskoplje“.
- Subjekt nadzora „Ludiya“ d.o.o. Sarajevo dao na uvid i ELABORAT pod nazivom „Vađenje materijala iz vodotoka rijeke Vrbas na lokalitetima Humac, Hrasnica, Ploča i Batuš a sve nizvodno od Gornjeg Vakufa-Uskoplje, općina Gornji Vakuf-Uskoplje, lokacija:Humac“ šifra projekta:001-18-08/24-1.

1.2.2. Federalni rudarsko, termo i elektro-energetski inspektorat na osnovu utvrđenih činjenica nije poduzimao dalje mjere i radnje, jer je vađenja materijala iz riječnog korita regulisano posebnim propisom-zakonom o vodama

1.3. Federalni urbanističko-ekološki inspektorat

Uvidom u spis predmeta Federalni urbanističko-ekološki inspektorat je utvrdio da nema nadležnosti za postupanje po predmetnom.


Naime, nadležnost federalnog građevinskog inspektora utvrđena je Zakonom o prostornom planiranju i korištanju zemljišta na nivou Federacije Bosne i Hercegovine („Službene novine F BiH“, broj: 2/06, 72/07, 32/08, 4/10, 13/10, 45/10, 85/21 i 92/21) i podzakonskim aktima, u konkretnom slučaju: Uredbom o određivanju zahvata u prostoru i građevina za koje Federelano ministarstvo prostornog uređenja izdaje urbanističku saglasnost i /ili lokacijsku informaciju („Službene novine F BiH“; broj: 32/14 i 33/22) i Uredbom o tehničkim svojstvima koje građevine moraju zadovoljavati u pogledu sigurnosti te načinu korištenja i održavanja građevina („Službene novine F BiH“, broj: 29/07, 51/08, 99/14). Obzirom da za navedene radove Federalno ministarstvo ne izdaje odobrenje, obavještavamo Vas da isto nije u nadležnosti federalne građevinske inspekcije.

Što se tiče federalnog inspektora zaštite okoliša, isti vrši inspeksijski nadzor nad provođenjem odredbi Zakona o zaštiti okoliša u okviru svoje nadležnosti, a Uredbom kojom se potvrđuju pogoni i postrojenja koja moraju imati okolinsku dozvolu („Službene novine Federacije BiH“; br. 51/21) data je lista pogona i postrojenja za koje Federalno ministarstvo izdaje okolinsku dozvolu. Kako Federalno ministarstvo okoliša i turizma nije izdalo okolinsku dozvolu za predmetne radove,isto nije u nadležnosti federalnog inspektora za zaštitu okoliša.

S poštovanjem.

AKT SAČINIO:

Glavni federalni rudarsko, termo i elektro-energetski inspektor



Dr.sci.Ferid Osmanović

Dostavljeno:

1 x N/r g.-din Dragan Mioković-predsjedavajući

Zastupnički dom

Parlament Federacije BiH

Hamdije Kreševljakovića br.3,

1 x N/r g.-din Slaven Raguž- zastupnik

Zastupnički dom

Parlament Federacije BiH

Hamdije Kreševljakovića br.3,

1 x Evidencija 10

1 x Evidencija 14

1 x Evidencija 16

1 x Arhiva



DIREKTORICA


IVANA PRVULOVIĆ